



Njalo ngoNhlolanja, uNgqongqoshe weZeZimali wethula izinhlelo zeminyaka emithathu elandelayo zesabelo sezimali, ukuqoqwa kwentela kanye nokwebolekwa kwemali ezimakethe zezimali kuleli naphesheya kwezilwandle. Ungqongqoshe uphinde achaze indlela okuhloswe ngayo ukusetshenziswa kwemali eyabelwe iminyango kahulumeni wesizwe, ohulumeni bezifundazwe kanye namantshontsho atholwa ohulumeni basekhaya.



**LIBE UMTHOMBO
WOLWAZI?
LELIPHEPHA KUWE**
SMS Yebo noma Cha ku 44112
i-SMS ngayinye ibiza 50c

Picture by Government Communication and Information System (GCIS)

UKWAKHIWA KWENGQALASIZINDA EZOTHUTHUKISA UMNOTHO, IPHUCULE NEZIMPILO ZABANTU

UMkhankaso kaHulumeni wokutshala imali kwizingqalasizinda ugxile ekwenzeni ngcono inhlalohle ngokwemisebenzi kanye nempilo jikelele. Ukwakhiwa kwengqalasizinda efana nogsesi, amanzi, ezokuthutha, ezokuxhumana ngezincingo, izibhedlela kanye nezindawo zokuhlala kuzothuthukisa amabhizinisi kubuye kukhuphule izinga lokuphila kubantu bonke.

Ukutshalwa kwezimali uHulumeni kuzokwehlisa kakhulu izinga lokubambeka kwezinsiza ekufanele zinikwezwe abantu, kanti kuzosiza nokumelana nokwanda kwezidingo njengoba ukukhula komnotho kushintsha nendlela yokuphila. Kuleminyaka emithathu ezayo, uHulumeni uhlela ukwakha imigwaqo, izibhedlela, izikole, amadamu, iziteshi zikagesi, amachweba, oiantshi kanye nakho konke okuphatelene nokuthuthwa kwabantu nempahla ngezitimela. Konke lokhu kulindeleke ukuba kudle izigidigidi ezingu-R844.5 billion kuleminyaka

emithathu ezayo.

Abantu badinga ezokuthutha zomphakathi eziphephile, ezethembekile futhi ezithokomele ukuze baye emisebenzini, ezikolweni kanye nanoma ikuphi lapho bedinga ukuya khona. INgingizimu Afrika idinga ukwenza ngcono izitimela zokuthutha umphakathi ukuze uhambo lwesitimela lusheshe, luphephe, futhi lube olwentengo ephansi. Izitimela ezindala zakwaMetrorail kufanele zishintshwe kubuye kwandiswe nenani lazo ukuze kumelwane nokwanda kwezihambi. Ngokunjalo inkampani yakwaPRASA, eyengamele uMetrorail, izotshala izigidigidi ezingu-R80 billion kuleminyaka engamashumi amabili (20) ezayo ukuze kuthengwe izitimela ezintsha kubuye kuthuthukiswe iziteshi ezweni lonke.

Eminyakeni emithathu ezayo, uHulumeni uzogixabeza iPRASA ngezigidigidi ezingu-R4 billion ezizosetshenziswa ukuthenga izingqala zezitimela ezingu-233. Ukuthuthukisa ukuphepha kwezitimela, uHulumeni uzophinde futhi engeze

ngamarandi angu-R1 billion ukuze kwenziwe ngcono amasiginali okuhlela ukuhamba kwezitimela kanye namadepho. Loluhlelo lokwenza ngcono izitimela kulindeleke ukuba lwenze uhambo lwabagibeli abangu-2.4 million ngosuku lunethezeke futhi luphephe. Ngaphezu kwalokhu, amabhasi asheshayo (aziwa kakhulu ngokuthi iBRT), aqale ukusebenza ngonyaka ka2010 emadolobheni amakhulu anjengeGoli neKapa, azoqhubeka andiswe nakwamanye amadolobha.

Ukuqinisekisa ukuthi umphakathi waseNgingizimu neAfrika uthola usizo lwezempilo olusezingeni eliphakeme, izibhedlela zizothuthukiswa futhi zandiswe. Ukuthuthukiswa kwezibhedlela kuzokwandulela ukwethulwa komshwalense wezempilo kazwelonke. UHulumeni usebeke nganxanye izigidi ezingu-R450 million ukuthuthukisa amakolishi angamashumi amathathu okuqeqesha abahlengikazi. Izigidi ezingu-R426 million zizosetshenziswa ukuphucula izibhedlela ezinhlano ezinkulu,

okuyi Chris Hani Baragwanath, King Edward, George Mukhari, Limpopo kanye ne-Nelson Mandela Academic.


UHulumeni uzinikele ukuphucula impilo yezakhamuzi zaseNgingizimu Afrika, ngokunjalo-ke ukwakhela labo abahola kancane izindlu kuphambili ezinhlelweni zikaHulumeni. Kodwa-ke, ukwanda kwemijondolo kuyinkomba yobunzima bokumelana nezidingo zezindlu zabahola kancane emadolobheni. Iningi imali eyabelwe ukubhekana nokwenyusa inani lezindlu ezakhiwa uHulumeni.

Kuleminyaka emithathu ezayo kulindeleke ukuthi isabelo sezindlu kanye nenhlalakahle yomphakathi sibe izigidigidi ezingu-R9.9 billion. Kulelinani:

- R3.9 billion wokuphucula imijondolo
- R1.8 billion yabelwa omasipala ukuthuthukisa ingqalasizinda yamanzii.

Lolutshalo zimali luzosiza ukufeza izinhloso zikaHulumeni zokwakha iNgingizimu Afrika lapho abantu besebenza futhi bahlale ezindaweni ezisezingeni eliphakeme.

IMALINI EZOSETSHENZISWA?



UKWENYUSWA KWEZINGA LEMPILO YABO BONKE ABASENINGIZIMU AFRIKA

Ngokuhamba kwesikhathi, uHulumeni uhlose ukukhulisa umnotho wezwe ukuze bonke labo abafuna ukusebenza bawathole amathuba. Kodwa-ke lokhu kuzothatha isikhathi ngenxa yomlando walelizwe. Ngakho-ke kuzomele sizame ukusiza ngokushesha izigidi zabahlali abangaholi mali, noma labo abalengela eweni lobuphofu.

Ukwehlisa izinga lobuphofu kuphambili ezinhlelweni zikaHulumeni. Izinhlelo zezenhlalakahle yizona eziqondene ngqo nokulwa nobubha. Kulonyaka ka-2012/13, isamba esingu-R104.9 billion sabelwa isikhwama sokuthuthukiswa kwenzehlalakahle. Lesisamba sizonyuka siye ku-R122 billion ngonyaka ka-2014/15. Inani labo abathola uxhaso lukaHulumeni kulindeleke ukuba lenyuke lisuke ku-15.6 million kulonyaka ka-2011/12, liye ku-16.1 million ngonyaka ka 2012/13, kanti libe ngu-16.8 million ngonyaka ka-2014/15.

Umyango wokuthuthukiswa kwezenhlalakahle uzokwengezelwa isabelo sawo seminyaka emithathu ezayo ngesamba esingu-R1.4 billion, okuqondwe ngaso ukwandisa amathuba entuthuko ezinganeni, kwandiswe inani lezingane ezihlomula kuloluhlelo lisuke ku-500 000 liye ku-580 000. Lomhlomulo uzubuyele welekelele ukwenyusa

inhlalakahle kanye nokuphepha kwezingane emakhaya nasemphakathini. Kulindeleke ukuthi abantwana kanye nabanye abantu abasha abalinganiselwa ku-858 000 bahlomule kuloluhlelo lokuphepha olwaziwa ngokuthi isibindi. Loluhlelo kulindeleke ukuthi luvule amathuba emisebenzi yabantu abasha abalelwa ku-10 000.

Isabelo sezempilo sizokwengenzwa ngo-R2.8 billion kuleminyaka emithathu ezayo. Lesisamba sizokwahlukaniswa kanje:

- Umshwalense wezempilo kazwelonke uzothola u-R1 billion kuleminyaka emithathu ezayo, okuyimali ezosetshenziswa ukuhlola izindlela ezintsha zokusebenza ezibhedlela kanye nokwenyuka kwenani leziguli emtholampilo;
- U-R450 million wabelwe ukuthuthukisa amakolishi abahlengikazi;
- Kanti u-R426 million wona uzovuselela izibhedlela.

Ngaphezulu kwalokhu, u-R968 million uzosetshenziswa ukwandisa inani labo abathola imishanguzo yesandulela ngculazi kubantu amasosha abo omzimba (CD4) abalelwa ku-350. Lokhu kuzonyusa inani labathola lemishanguzo, lisuke ku-1.5 million ngonyaka owedlule lifinyelele ku-3 million ngo-2014/15.

IMFUNDO IVULA AMATHUBA OKUPHUMA EBUBHENI KANYE NAWEMISEBENZI

UHulumeni uhlomulisa ezemfundo ngaphezu kwazo zonke ezinye izinhlelo zakhe. Isabelo sezimali salonyaka seseka ukuthuthukiswa kwezinga lemfundo kuyo yonke imikhakha, siphinde futhi seseka ukwandiswa kwabantu abanamakhono emisebenzi.

Isabelo sezimali salonyaka seseka ukuthuthukiswa kwezinga kuyo yonke imikhakha yezemfundo, amakhono kanye namaciko kuleminyaka emithathu ezayo.

- Isikhwama sokuxhasa abafundi emanyuvesi nasemakolishi (NSFAS) sizokwandiselwa ngo-R17.1 billion ukwandisa amathuba okungena enyanyivesi nasemakolishi kubafundi abaphuma emakhaya antulayo
- UHulumeni uzobuyele anikezela ngo-R850 million ukuphucula ingqalasizinda emanyunivesi, ikakhulukazi izindawo zokuhlala abafundi

UHulumeni uhlela ukwenyusa inani labafundi ababhalisela

ukufunda emanyunivesi, lisuke ku-866 000 kunyaka ka-2011/12 liye ku-962 000 ngo-2014/15. Inani labafundi basemakolishi lona lenyuswe, lisuke ku-211 000 liye ku-247 000. Kwezemfundo nokuqeqeshwa kwabadala, inani labafundi kulindeleke ukuba lenyuke lisuke ku-215 000 ngo-2011/12 liye ku-300 000 ngo-2014/15.

Ukwenza ngcono izinga lokufunda, ukubhala, kanye nokubala, umnyango wezemfundo kazwelonke uzohlomula ngo-R235 million ukuze abafundi bebanga lika 9 nabo bahlolwe, bese futhi kwenziwa ngcono ukuhlolwa kabafundi bamabanga ka-3 no-6. Kulonyaka bonke othisha nabafundi bamabanga 1-9 bazothola izincwadi zokufunda, ezokubhala, kanye nokubala.

Noma uHulumeni elibamba elakhe iqhaza kwezemfundo, masikugcizelele ukuthi imfundo ingumthwalo wethu sonke. Othisha, abazali, abafundi, imiphakathi kanye nosomabhizinisi, bonke baneqhaza abangalibamba.

AMAZWIBELA NGESABELO 2012

AMAZWIBELA ESABELO SEMINYAKA EMITHATHU ELANDELAYO:

1 ISENGEZELELO ESABELWENI SEZINHLELO ZEMINYAKA EMITHATHU EZAYO

- R9.5 billion wokwethuthukisa amandla omnotho
- R6.2 billion wokudala amathuba emisebenzi
- R3 billion wokwandisa uxhaso lwabafundi abasezikoleni lapho kungabhadalwa amafees kanye nokwandiswa kwamathuba ezingane ebangeni likaGrade R
- R1 billion ozokwandulela ukusungulwa kwesikhwama somshwalense wezempilo kazwelonke
- R1.4 billion wokuthuthukisa impilo yojahidada
- R4 billion wokuthenga izinqola ezintsha zezitimela ezithwala abantu
- R1 billion wokuphucula amasiginali ahlela ukuhamba kwezitimela kanye nezindawo lapho zipaka khona
- R4.7 billion ozosetshenziswa abakwa-Eskom ukufaka izishisisa manzi ezisebenza ngelanga (solar)
- R3.9 billion wokuphucula imijondolo
- R1.8 billion yabelwa omasipala ukuthuthukisa ingqalasizinda yamanzi

2 EZENTELA

- Abakhokhi bentela bazohlomula ngo R9.5 billion;
- Kuzokhuthazwa ukonga;
- Uguquko ekuboneleleni ngokwentela labo abakhokhela imedical aid nempesheni;
- Bazobhekela osomabhizinisi abancane;
- Intel ebanjwa emihlomulweni yalabo abanamasheya ezinkampanini izokhuphuka iye ku-15 per cent;
- Izokwenyuka icapital gains tax;
- Iphakethe likasikilidi elinamashumi amabili lizonyuka ngo-58 cents;
- Intengo yebhodlela likagologo elingu 750ml izokwenyuka ngo-R6;
- Intengo yekani likabhiya elingu-340ml izokwenyuka ngo-9 cents, eleCider ngo-8.84 cents;
- Intengo yewayini inyuka ngo-18 cents ilitha;
- Intel e kaphethilomu izonyuka ngo-20 cents, eyesikhwama se Road Accident Fund ngo-8 cents;
- Intel e kagesi izonyuka ngesenti elilodwa.

3 IMALI YEZENHLALAKAHLE

	2011/12	2012/13
Eyempesheni	1 140	1 200
Eyempesheni yabaminyaka ingaphezu kuka-75	1 160	1 220
Eyamasosha asemnkantsh' ubomvu	1 160	1 220
Eyabakhubazekile	1 140	1 200
Eyezintandane	740	770
Eyabadinga ukunakelelwa	1 140	1 200
Eyokondla izingane*	265	280

*R265 average value for 2011/12.

LIBE UMTHOMBO WOLWAZI? LELIPHEPHA KUWE

SMS Yebo noma Cha ku 44112

i-SMS ngayinye ibiza 50c